

Il slogan «Flower Power» duess simbolisar la forza da la natira ed il potenzial innovativ da la Svizra.



In mund fantastic da colurs, tradiziuns, muntognas e moviments ha la designra stgaffi per il pavillon svizzer.

FOTOS MAD

## «Flower Power» d'ina designra cun in'avaina grischuna

Il siemi per mintga artist – concepir la cumparsa ad in'exposiziun mundiala

DA CLAUDIA CADRUVI / ANR

**Cun colurs giaglias e selvadias sa preschenta il pavillon svizzer a l'expo ad Astana. Responsabla per la cumparsa frestga e viscla è Claudia Caviezel. Ensemen cun in atelier da la Romandia ha ella designà la fatschada e cumponi las projecziuns da glisch en l'intern.** Il venderdi ha cussegliera federala Doris Leuthard visità l'exposiziun mundiala a Kasachstan. Betg mo la presidenta da la confederaziun ha procurà che la Svizra sa mettia bain en scena, mabain er il concept artistic d'ina designra cun ragischs grischunas. *Claudia Caviezel* è enconuschenta per concepziuns giaglias e creaziuns visclas. La fatschada dal pavillon ad Astana è in nov punct culminant da sia carriera.

### Sburflanta, virtuosa ed intensiva

La Svizra ha battegià ses pavillon «Flower Power». I n'è betg gist in num ch'ins cumbinass exnum cun il pitschen pajais che viva en abundanza grazia a sias bancas e sia industria farmaceutica. Ma sch'i dat en quest pajais insatgi che chapescha da dar verva ad in pavillon cun in tal num èsi franc e seguir Claudia Caviezel. «Sia ovra è sburflanta, virtuosa, nunditg multifara ed intensiva. Tgi che s'inamurescha en sias creaziuns ristga da perder la sauna raschun», scrivan ils organisators a moda entusiastica. «Cun sia lavur vul ella cunzunt derasar tschaffen. Gliez è propi gariegia ad ella.»

La fatschada da Caviezel cuntegn bu-namain mintga cliché svizzer: vatgas, chauras, costums, lais, culms, vals e naiv. E tuttina n'unfiescha l'illustraziun berg cun tradiziuns plattas. Anzi, sco sche la designra savess far striegn schuschoran questi elements cun ina tempra leva e moderna sur la fatschada. La designra chapescha da metter en scena la natira, aua, aria e sulegl, tge che correspunda segir er in pau a quai ch'ins less vender en l'intern dal pavillon. «Future Energy» è la tematica da l'exposiziun mundiala. Ils expositurs svizzers vulan demonstrar lor know how puento regenerabladad ed effizienza d'energia. Il pavillon «Flower Power» duai suttlingiar questa forza da la natira ed il potenzial innovativ dal pajais.

### Colurs sco la clav per sia lavur

Suenter sia scolaziun è Caviezel viagiada bler, ha lavurà en differents pajais per emprender dapli davart materialias e tecnicas. Destinaziuns exoticas han impresiunà ella cun lur colurs pulpidas, en Svizra apprezziescha ella las cleris conturias da la cuntrada cun las Alps. Tant las colurs sco era las muntognas han influenzià ella, tradescha Caviezel en ina documentaziun davart il pavillon svizzer. Las colurs sajan dentant la clav per sia lavur. La designra è persvidida che colurs han ina gronda muntada per tut ils umans ed influenzechan lur pensar e sentir.

La scolaziun da designra da textilias ha ella fatg a l'Universität a Lucerna, il


master per design a Madrid. Suenter ha ella lavurà tranter auter tar *Jakob Schlaepfer* che fa textilias per la haute-couture. Dapi il 2010 stgaffescha Caviezel tailas per il label da moda Akris a Son Gagl. Ella ha retschavi pliras distincziuns, la pli impurtanta l'onn passà cun il «Schweizer Grand Prix Design». En in'intervista cun il Radio Rumantsch ha ella raquintà da sia relazion cun il Grischun. Ses bab deriva da Tumegl e la mamma da Sagogn, ella chapescha rumantsch, ma na betg pli discurrer. Caviezel è crescida si a Zug.

### Design per in e scadin

*Louis Vuitton* ha già cumprà ina taila da paillettes da Caviezel. Ma ins na sto betg esser in designer da moda da renum mundial per pudair sa lubir da comprar in toc dad ella. La fatschenta da mobilias Pfister envida aposte designers svizzers da concepir collezioni sut il label «Atelier Pfister». Ils ultims onns hajan ins collavurà streng cun la designra, di la pledadra *Carol Vanhouteghem*. Ella enumerescha in'entira retscha da products che Caviezel ha designà per Pfister.

Tut questi products portan dal reminent numbs da vischnancas grischunas: Ils differents tepis han num Andeer, Tomils, Feldis, Surava u Marmorera, la seria da vasas Grono, las serviettas cun cups e tagliors da palpìri Pignia u Fläsch, ils ponns da legt Luven, il canapé Riom ed ils cussins Bivio.

Claudia Caviezel stgaffescha en ses atelier teppis, ponns e canapés per la collezioni «Atelier Pfister». Ils teppis han num Marmorera, il canapé Riom ed ils ponns Luven.



Malgrà ils blers elements tradiziunals èsi ina cumparsa moderna che la designra dat a la fatschada dal pavillon svizzer.

ILLUSTRAZIUNS CLAUDIA CAVIEZEL